

1246, maig, 29

*Berenguer de Sitjar i la seva filla Saurina venen a Pere Oller un quartó del delme de Vilobí pel preu de quaranta-dos marcs de plata.*

ASD núm. 141, perg. orig., 425 x 230 mm.

Sit notum cunctis quod ego Berengarius de Ciiatio et filia mea Saurina, per nos et per omnes nostros presentes et futuros, non ui compulsi nec fraude aliqua inducti, sed bono animo et spontanea uoluntate ac nemine cogente et ob maximam utilitatem nostram uendimus et cum hoc presenti publico instrumento omni tempore ualituro liberando tradimus tibi Petro Ollerio et tuis et cui dare uel dimittere, uendere, stabilire seu quolibet alio modo alienare uolueris in perpetuum totum illud nostrum quartorum decime omnium rerum tocius parrochie de Uillalbino. Sicut melius illud quartorum dicte decime ego Berengarius de Ciiario habeo et teneo per Bernardum de Monteaccuto et ut melius dici uel intelligi potest ad tuum comodum et utilitatem, sic predictum quartorum totius [ ... ] ipsius decime tibi et tuis et cui uolueris in perpetuum uendimus et tradimus pro quadraginta duabus marchis argenti boni et fini rectique pensi, de quibus recognoscimus nos a te bene esse paccatos, renunciando excepcioni non tradite rei et excepcioni doli; et si amplius ualet dicto precio uel ualebit, totum gratis et ex certa scientia tibi et tuis donamus, renunciando expresse auxilio et beneficio illius legis qua deceptis ultra dimidiam iusti precii subuenitur. Et ideo de nostro iure ac potestate in tuum tradimus dominium et potestatem, et in presenti cum hoc publico instrumento mitimus inde te in corporalem et uacuam possessionem ad habendum et tenendum et omni tempore possidendum ad omnem tuam tuorumque uoluntatem omni tempore ibi et inde faciendam, saluo iure Bernardi de Monteaccuto in omnibus, sine aliquo retentu quod inde non facimus, omnibus nostris uocibus et rationibus et omnium nostrorum in perpetuo extinctis et penes te remanentibus. Et conuenimus tibi et tuis per nos et per omnes nostros dictam uendicionem semper facere habere et tenere in pace et esse deffensores et guarentes contra cunctam uiuentem personam; uerumtamen, si aliqua uiuens persona ibi aliquid tibi uel tuis exigerit uel forifecerit siue emparauerit aut contradixerit siue quæstionem contra te uel tuos mouerit, nos ante ingressum litis statim promittimus ante te ponere et te et tuos indemnes seruare in curia et extra curiam, et in placito et extra placitum et in iudicio et extra iudicium cum nostris propriis expensis et missionibus. Et si forte dampnum aliquod uel grauamen siue missionem aliquam aliquo modo inde te uel tuos facere uel sustinere opportuerit, Totum conuenimus tibi et tuis per nos et nostros in integrum resarcire ad uestram uoluntatem, et sitis inde tu et tui crediti uestro plano uerbo sine sacramento et testium productione. Et ad hec facienda et complenda obligamus tibi et tuis de euictione et de omni interesse quisque nostrum in solidum nos et heredes nostros et successores et omnia nostra bona mobilia et immobilia habita et habenda semper et ubique, et ad maiorem firmitatem predictorum omnium ego Saurina predicta iuro super sancta .III. Dei euangelia corporaliter tacta dicta omnia

superius scripta semper rata et firma habere et in perpetuum obseruare et numquam contrauenire iure aliquo uel ratione. Et si aliquo iure scripto uel non scripto, legali uel diuino, publico uel priuato, humana, canonico, ecclesiastico uel ciuili, generali uel speciali siue excepcione uel occasione aliqua in futurum huic contractui obuiam ire possemus, illi iuri penitus renunciamus.

Actum est hoc .III. kalendas iunii anno Domini .MCCXL. sexto.

Sig+num Saurine predicte, que hoc firmo et laudo. Sig+num Bernardi de Monteacuto, domini, qui predicta omnia laudo et concedo, saluo iure meo in omnibus. Sig+num Dalmacii de Midiniano, domini, qui predicta omnia laudo et concedo, saluo iure meo in omnibus. (s. man.) Berengari de Ciiario\*. Sig+num Estraderii de Ualleluparia. Sig+num Guilielmi de Clota, de Riuolotorum de Cruce. Sig+num Guilielmi Paschalis, eiusdem loci. Sig+num Ugonis de Ceruiano. Sig+num Artalli de Bordillis. Sig+num Raimundi de Sancto Genisio.

(s. man.) Arnallus de Sancto Martina, qui hoc scripsit mandato Bernardi de Uicco, publici Gerunde notarii. Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 287-288